

刻泉志序

淺草文庫

作泉志者其有激乎何遠自皇王近及帝霸偏
 安鼎立之君穴鳥窮漠之長莫不范治五金均
 徹萬有使黃布赤以人龜地馬一刀兩柱夷面
 鳥艾之物既窳驚於區中亦翔躡於荒外功用
 侷神明權樞匹人主雖玄天赭地方足圓顛若
 藉以轉旋寄之生死睠茲廓落河山可謂孔方
 世界矣我故知其必有激也惟是舜有乘馬豈
 同五銖帝借牽牛寧如九府神文不應作巨斤

泉志序

前

形誤釋安瓜即圖篆具有雌黃焉免此刻屬武林徐仲和手摹亡論魚龍飛動抑亦蒼籀判別將同鼎圖隸釋永傳寶焉

泉志序

泉志序

泉之興蓋自燧人氏以輕重爲天下太古杳邈其詳叵得而記至黃帝成周其法寢具秦漢而降制作相踵歲益以類多湮沒無傳梁顧烜始爲之書凡歷代造立之原若大小重輕之度皆有倫序使後乎此者可以槩見唐封演輩從而廣之

國朝金光襲李孝美董道之徒纂錄蠡出然述事援據頗有疏略余嘗得古泉百有餘品則又

旁考傳記下逮稗官所紀攬據大備分彙推移
釐爲十五卷號曰泉志嗚呼泉用于世舊矣其
始作之艱且勞者也不幸則爲水之所溺火之
所燔土之所蝕又不幸則爲金工所鑠童孺所
鑿夷航蠻舶之所負其不耗也危乎殆哉幸其
猶有存者而世或未之見余竊惜之此泉志之
所由作也紹興十有九年秋七月晦日鄱陽洪
遵序

泉志總目

卷第一

正用品上

五虞錢

商錢

景王錢

晉錢

趙錢

秦錢兩錢

夏錢

周錢

齊錢

楚錢

秦錢

漢莢錢

八銖錢

四銖錢

三銖錢

半兩錢

五銖錢

鍾官赤側錢

後漢五銖錢

四出文錢

卷第三

正用品中

魏五銖錢

蜀直百錢

直百五銖錢

傳形五銖錢

吳大泉五百錢

大泉當千錢

宋四銖錢

當兩大錢

孝建四銖錢

二銖錢

景和錢

鵝眼錢

梁五銖錢

公式女錢

五銖鐵錢

大吉鐵錢

大通鐵錢

大富鐵錢

當十錢

四柱錢

陳五銖錢

大貨六銖錢

後魏太和五銖錢

五銖錢

永安五銖錢

永安土字錢

西魏五銖錢

東魏永安五銖錢

北齊常平五銖錢

後周布泉錢

大布錢

永通萬國錢

隋白錢

卷第三

正用品下

唐開元錢

乾封錢

乾元十當錢

重輪錢

小乾元錢

大曆錢

開元大錢

建中錢

新開元錢

咸通錢

後唐天成錢

晉天福錢

漢漢通錢

周周通錢

卷第四

偽品上

項梁大錢

吳王濞半兩錢

鄧通半兩錢

王莽大錢

小錢

貨泉錢

公孫述鐵錢

董卓小錢

五銖錢

沈攸小錢

張軌五銖錢

王則河陽錢

史思明得壹錢

順天錢

李景永通錢

開元鐵錢

唐國錢

大唐錢

卷第五

偽品下

王建永平錢

通正錢

天漢錢

光天錢

王衍乾德錢

咸康錢

孟昶廣故錢

鐵錢

劉龔乾亨錢

鉛錢

馬殷軋封錢

天策錢

錢俶錢

王審知鉛錢

開元鐵錢

王延義永隆錢

王延政天德錢

馮洪大興錢

劉仁恭土錢

劉守光應天錢

卷第六

不知年代品上

平當五銖錢

大泉四出錢

大泉五銖錢

雙五五銖錢

左右五銖錢

太元貨泉錢

通行貨銖錢

兩銖錢

續銖錢

兩柱錢

女錢

雉錢

對文錢

五銖錢

天定平錢

傳形半兩錢

卷第七

不知年代品下

大平四錢

兩嗇錢

一文錢

四曲文錢

永光錢

五金錢

太朝錢

天鎮錢

萬歲錢

大興錢

大千錢

天感錢

太興錢

古錢

古文錢

三字錢

千字錢

黃河錢

卷第八

天品

天帝錢

寶錢

咸陽錢

金五銖錢

五銖錢

卷第九

刀布品

白金三品

契刀

錯刀

大布

次布

第布

壯布

中布

差布

厚布

幼布

幺布

小布

貨布

大黃布刀

古刀布

蒙城古刀

長平古刀

沂州銀刀

長平異布

異布

異布

異布

異布

異布

異布

異布

異布

異布

異布

異布

異布

異布

異布

藕心錢

蟻鼻錢

古銅片

卷第十

外國品上

罽賓國錢

烏弋山離國錢

安息國錢

大月氏國錢

泥婆羅國錢

何國錢

康國錢
拔汗國錢

條支國錢
拂菻國錢

大食國錢

卷第十一

外國品中

因墀國天壽錢
日本國和同錢

神功錢
萬年錢

隆平錢
軋文錢

屋馱國梵書錢
疎勒國五銖錢

龜茲國五銖錢
吐蕃國胡字錢

倭國延喜錢
梵字錢

契丹國天贊錢
應曆錢

重熙錢
清寧錢

大康錢
大安錢

壽昌錢
乾統錢

天慶錢
千秋錢

高麗國海東錢
三韓錢

東國錢
闍婆國梵書錢

交趾國黎字錢

卷第十二

外國品下

大秦國錢

佛涅國錢

新羅國錢

波斯國錢

大月氏國錢

中天竺國錢

三佛齊國錢

東沃沮國錢

高昌國錢

女國錢

小月氏國錢

于闐國錢

投和國錢

屈支國錢

梵衍那國錢

那揭羅曷國錢

室羅伐悉氏國錢

羯若鞠闍國錢

婆羅泥斯國錢

摩揭陁國錢

憍薩羅國錢

阿耆國錢

覩貨邏國錢

迦畢試國錢

犍馱邏國錢

鉢邏那伽國錢

尼波羅國錢

伊爛孛鉢伐多國錢

摩突羅國錢

軋施越國錢

杜薄國錢

康居國錢

末祿國錢

軒渠國錢

三童國錢

阿鈎羌國錢

舍衛國錢

層檀國錢

裸人國錢

碎葉國錢

驃國錢

巴氏錢

倓錢

賓錢

沙州玉錢

卷第十三

奇品

臺主衣庫錢

羅紋錢

翅紋錢

北斗錢

軒轅錢

柄文錢

日月錢

井文錢

雙五錢

雙十錢

星月錢

四五錢

八星錢

鯨文錢

兔犬錢

明月錢

四神錢

萬國錢

龍文錢

三雀錢

龜背錢

水波紋錢

雙星錢

玄武錢

千秋錢

龍鳳重輪錢

雙鳳錢

雙魚錢

四事錢

單面龍鳳錢

龍鳳錢

藕心錢

卷第十四

神品

輕影錢

消水錢

會稽船錢

青溪宅錢

太平錢

齊興郡錢

齊安郡錢

令公百爐錢

廣宗郡錢

僞趙錢

軒轅錢

孫先生錢

桐城錢

白雀錢

壽春錢

應元錢

北海鐵錢

嚴君平錢

科斗錢

鷺口洞錢

卷第十五

厭勝品

永安五男錢

七夕錢

福慶錢

撒帳錢

男錢

辟兵錢

千金錢

豐樂錢

君宜侯正錢

長年錢

富錢

五男二女錢

天下太平錢

泉志總目

終

泉志總目録

七

泉志卷之二

泉志卷之二

十一

天...
...
...

泉志卷之二


宋洪遵撰 明胡震亨毛晉同訂

正用品上



右虞錢 史記平準書曰虞夏之幣金為三品
或黃或白或赤或錢或布或刀或龜貝 賈逵
注周語曰虞夏商周金幣三等黃為上幣銅錢
為下幣

泉志卷之二



右夏錢管子曰禹五年水民之無糴賣子者禹以歷山之金鑄幣贖之鄭曄南北史雋曰高謙之為鑄錢都督長史乃上表曰禹遭大水以歷山之金鑄錢救人之用




右商錢管子曰湯七年旱民之無糴賣子者

湯以莊山之金鑄幣贖之鄭曄南北史雋曰湯遭大旱以莊山之金鑄錢贖人之賣子者史記殷本紀曰帝辛厚賦稅以實鹿臺之錢



右周錢前漢食貨志曰太公為周立九府圜法錢圜方輕重以銖荀悅漢紀曰周制錢有文外圓內方李奇曰圜一寸重九兩顧

烜曰重十二銖 李孝美曰按二家之說若謂重九兩則景王時不患輕也若謂止十二銖則更鑄者又何加焉




右景王錢 國語曰景王二十一年將鑄大錢單穆公曰不可王弗聽卒鑄之 賈逵曰大錢者大於舊其價重也 前漢食貨志曰景王患

錢輕更鑄大錢文曰寶貨肉好皆有周郭 唐固曰重十二銖又曰大錢五十鄭衆曰錢始一品景王鑄大錢而有二品後數變易不失本制唐固所謂大泉乃王莽時錢非景王所鑄明矣又景王至赧王十三世而周亡後有戰國秦漢幣物改轉不相因先師所不能紀或云大錢文曰寶貨皆非事實 余按顧烜錢譜金光襲錢寶錄李孝美錢譜以太泉寶貨兩存之董道錢譜始去大泉余謂此錢當以班史為正董說得

之矣



右齊錢 前漢食貨志曰太公為周立九府圜法退又行之于齊至管仲相桓公通輕重之權遂顯伯名管子曰桓公令左司馬伯公將白徒鑄錢於莊山令中大夫王邑載錢二千萬求生鹿於楚



右晉錢 呂氏春秋曰趙宣孟見骹桑之下有餓人下車為之食與錢百而遂去之春秋左氏傳曰趙盾晉大夫



右楚錢 史記循吏傳曰孫叔敖為楚相莊王以為幣輕更以小為天百姓不便相言之王復

如故王許之越世家曰楚王每赦使使者封
三錢之府



右趙錢 史記蘇秦傳曰秦自趙之燕貸人百

錢為資 張儀傳曰趙主使人撒隨張儀奉以

車馬金錢 余謂春秋之時下迫戰國以鑄泉

立幣各擅其列惟齊制見之管子故暴白後世

諸國無所稽考遂致泯泊不傳耳

抄記
撒當作
微



右秦錢 史記秦本紀云惠文王立二年

錢




右秦半兩錢 前漢食貨志曰秦兼天下銅錢

質如周錢文曰半兩重如其文 傳瓚曰錢之

形質如周錢唯文異耳 顧烜曰秦始皇鑄重

十二銖曰敦素曰嘗得此錢徑寸三分重八銖



右莢錢史記平準書曰漢興更鑄錢至孝文

時莢錢益多輕前漢高后紀曰六年行五分

錢應劭曰所謂莢錢者食貨志曰漢興以

為秦錢重難用更令民鑄莢錢如淳曰如榆

莢也伏無忌曰漢鑄莢錢重三銖顧烜曰


今世猶有小錢重一銖半徑五分文曰漢興小

篆文余按班馬二史皆云莢錢不載錢文顧

烜之說益近之矣金光龔董道皆因之李孝美

以為楷書文曰漢興莢錢自科斗之法熄而篆

隸行至東漢末始變為楷何其說之妄耶



右八銖錢前漢高后紀曰二年行八銖錢

顧烜曰高后時既患莢錢之輕又苦秦錢之重

故更鑄八銖錢舊譜曰重八銖文曰半兩



右四銖錢

前漢文帝紀曰五年夏四月除盜

鑄今更造四銖錢

食貨志曰孝文五年更鑄

四銖錢其文為半兩

應劭曰今民間半兩錢

最輕小者是也



右三銖錢

前漢武帝紀曰建元元年春二月

行三銖錢

顏師古曰新壤四銖造此錢

食

貨志曰自孝文更造四銖錢至是四十餘年從

建元以來用少縣官往往多即銅山而鑄錢民

亦盜鑄不可勝數錢益多而輕有司言今半兩

錢法重四銖而姦或盜摩錢質而取銖令縣官

銷半兩錢更鑄三銖錢重如其文封氏曰半

兩錢有重三銖兩字之中唯作十字不復為兩

人而穿下有二豎文豈於此以三畫為三銖之

記耶余按此錢史氏以為銷半兩更鑄三銖

錢重如其文則三銖之文明矣李孝美又畫半兩錢於其下蓋蔽封氏之說也



右半兩錢 前漢武帝紀曰建元五年罷三銖錢行半兩錢 顏師古曰又新鑄作也 李孝美曰張台說半兩之品甚衆有傳形者有肉郭者有對文者有隱起字者




右五銖錢 前漢武帝紀曰元狩五年罷半兩錢行五銖錢六年詔曰日者以幣輕多姦農傷而末衆又禁兼并之塗故改幣曰約之 食貨志曰有司請郡國鑄五銖錢周郭其質令不可摩取 孟康曰周布爲質文漫皆有 舊譜曰此錢厚大者徑一寸重五銖 張台曰此錢品數最多有傳形者名蜀錢肉好有郭者名梁

按漢書
可字下
有得字

自字疑
當作自
字


錢背文四出者名角錢及有赤側當兩女錢之類文皆五銖又於此外有穿上一星至五星穿下一星穿上下各一星漫面穿傍一星至三星五字之內上下各一星背上或有一小字或有五字穿上橫文穿下橫文穿面四角決文穿背四角決文有郭無郭闊緣細緣不可窮盡李孝美曰今世所見五銖如張台之說一一甚多但赤側四出文蜀梁當兩女錢并穿上下各一星者自有品自不當更引於此



按史記
賈

右鍾官赤側錢 史記平準書曰武帝鑄五銖錢郡國多姦鑄錢錢多輕而公卿請令京師鑄鍾官赤側一當五賦官用非赤側不得行其後二歲赤側錢賤民巧法用之不便又廢於是悉禁郡國無鑄錢專令上林三官鑄錢既多而令天下非三官錢不得行諸郡國所前鑄錢皆廢銷之輸其銅三官而民之鑄錢益少計其賣不

能相當唯真工大姦乃盜爲之。食貨志曰自
孝武元狩五年三官初鑄五銖錢。至平帝元始
中成錢二百八十億萬餘。如淳曰以赤銅爲
其郭也。今錢見有赤側者不知作法云何。漢
書音義曰俗所謂紫紺錢也。



右五銖錢

後漢五行志曰建武六年蜀童謠

曰黃牛白腹五銖當復是時公孫述僭號於蜀
時人竊言王莽稱黃述欲繼之故稱曰五銖漢
家貨也明當復也述遂誅滅。光武紀曰建武
十六年始行五銖錢。注曰武帝始爲五銖錢。王
莽時廢今始行之。晉書食貨志曰漢錢舊用
五銖自王莽改革百姓皆不便之。至光武中興
除莽貨泉建武十六年馬援又上書曰富國之
本在於食貨可如舊鑄五銖帝從之於是復鑄
天下以爲便。



右四出文錢。後漢靈帝紀曰：中平三年鑄四出文錢。獻帝春秋曰：靈帝作角錢，錢猶五銖。錢而有四道，連於邊輪，識者以為妖徵，竊言錢有四道，京師將破壞，此錢四出，散於四方。乎遂如其言。舊譜曰：徑一寸一分，重四銖，文曰五銖。背文四出，俗謂之角錢。余按此錢，今世尚有字畫明澈，背文四出，徑一寸，重三銖，一參。

泉志卷之二


宋洪遵撰 明徐象梅校并圖篆

正用品中





右五銖錢。魏志曰：文帝黃初二年春三月初，復五銖錢。冬十月以穀貴，罷明帝太和元年夏四月乙亥行五銖錢。晉書食貨志曰：魏明帝世，司馬芝等舉朝大議，以為用錢非徒豐國亦

所以省刑今若更鑄五銖錢則國豐刑省于事
為便明帝乃更立五銖錢至晉用之不聞有所
改創



右直百錢 顧烜曰漢獻帝建安十九年劉備
鑄 零陵先賢傳曰劉備初攻劉璋與士眾約
若事定府庫百物孤無預焉及拔成都士眾皆
捨干戈赴諸藏競取寶物軍不足備甚憂之劉


巴曰易耳但當鑄直百錢平諸物價令吏為宣
布備從之數月之間府庫充實 鄭瑋南北史
雋曰崔神思云劉備取帳鈎銅鑄錢以充國用
舊譜云徑七分重四銖



右直百五銖錢 晉書食貨志曰梁武帝鑄五


銖女錢二品並行百姓或私以古錢交易有直百五銖顧烜曰徑一寸一分重八銖文曰五銖直百劉巴說劉備鑄直百錢傳形五銖此又近之未知孰是張台曰今自巴蜀至于襄漢此錢甚多皆是昭烈舊地斷在不疑李孝美曰皇朝宗正少卿趙安易使蜀以蜀用鐵錢甚賤物價益貴因上言請如劉備時鑄太錢當百余按此錢封氏列不知年代品然考諸家之說則劉備所鑄審矣錢凡四種有徑九分重五

銖者字文明坦肉好背面皆有周郭世多有之有徑七分重三銖八參者形製麻薄有一種文相類背肉粗惡穿左有一為字又有鐵錢重五銖四參者輪郭重厚字文湮晦





右傳形五銖錢顧烜曰劉備鑄直百錢傳形五銖今所謂蜀錢即傳形五銖也時有勒為直百者亦有勒為五銖者大小稱兩如一並徑七

分重四銖三吳諸屬縣行之其文為五銖者京師亦頗用焉舊譜曰劉備與直百同時鑄文字輕重大小與漢五銖無異但五字居左銖字居右謂之傳形



右大泉五百錢 吳志曰孫權嘉禾五年春鑄大錢一當五百舊譜曰徑寸二分重十二銖文曰大泉五百 余按此錢徑寸一分重四銖

六參今世有之



右大泉當千錢 吳志曰孫權赤烏元年鑄當千大銖 江表傳孫權赤烏九年詔曰謝宏往曰陳鑄大錢云以廣貨故聽之今聞民意不便其省息之鑄為器物勿復出也 晉書食貨志曰孫權鑄當千錢故呂蒙定荊州賜錢一億錢


既太貴，但有空名。晉自中原喪亂，元帝過江，用孫氏舊錢，輕重雜行。大者謂之此輪，小者謂之四文。舊譜曰：徑寸四，今重十六銖。文曰：太泉當干。余按此錢有二品：大者徑寸五分，重十二銖六參，字文夷漫，輪郭重厚，頗艱得之；小者徑寸三分，重七銖二參，世多有之。舊譜所圖，蓋其小者，以為重十六銖，非也。



右四銖錢。宋書文帝紀曰：元嘉七年冬十月，戊午立錢，署鑄四銖錢。顏竣傳曰：輪郭形製與五銖同，用費損無利，故百姓不盜鑄。張台曰：據所見，背面皆有周郭，徑七分，重二銖已下，文甚分明。舊譜曰：文曰四銖，重如其文。余按此錢徑七分，重二銖四參，肉薄好闊，背面皆有周郭，字文甚明。



右當兩大錢 宋書文帝紀曰元嘉二十四年
 六月以貨貴制大錢一當兩明年五月已卯罷
 裴子野宋略曰文帝元嘉二十四年六月初
 行大錢一當細錢兩既而錢形不一民弗之便
 明年五月已卯罷當兩大錢 舊譜曰重八銖
 文曰五銖



右孝建錢 宋書世祖紀曰孝建元年春正月

壬戌更鑄四銖錢 顏竣傳曰世祖即位鑄孝
 建四銖 顧烜曰孝建元年鑄四銖錢一邊為
 孝建一邊為四銖 舊譜曰徑八分半重四銖
 文曰孝建背文曰四銖孝建則薤葉四銖則太
 篆其後稍去四銖專為孝建漸至薄小文字夷
 漫至明帝泰始三年罷焉 余按此錢徑七分
 重二銖今世尚有之



右二銖錢 宋書前廢帝紀曰大明七年冬諸
郡大旱米一升數百孝建已來又立錢署鑄錢
百姓因此盜鑄轉偽小商貨不行永光元年春
二年庚寅鑄二銖錢三月甲辰罷九月戊午開
百姓鑄錢 宋書顏竣傳曰前廢帝即位鑄二
銖錢形或轉細官錢每出民間即模效之而大
小厚薄皆不及也無輪郭不磨鑿如今之剪鑿
者謂之未子 舊譜曰此錢文曰二銖重如其
文




右景和錢 顧烜曰宋中廢帝景和元年鑄重
二銖文曰景和其年還用古錢 金光襲曰其
文小篆 余按此錢李孝美不入譜烜梁人距
宋不遠其說當審矣



右鵝眼錢

顧烜曰宋中廢帝景和元年鑄沈

慶之既申前議放百姓鑄遂轉輕僞亦有錢形
大如鵝眼故謂鵝眼錢以殺貫之乃適投水中
不沉隨手碎壞不可料數商貨不行尺帛斗米
動踰一萬隋書食貨志曰梁末又有兩柱錢
及鵝眼錢于時人雜用其價同但兩柱重而鵝
眼輕



五銖錢 隋書食貨志曰梁初唯京師及三
吳荆郢江湘梁益用錢其餘州郡則雜以穀帛
交易交廣之域全以金銀爲貨武帝乃鑄錢肉
好周郭文曰五銖重如其文 顧烜曰天監元
年鑄徑一寸文曰五銖重四銖三參二黍每百
枚重一斤二兩 張台曰五銖錢皆無好郭唯
此一種有之 李孝美曰按此錢亦多見之復
有一種徑八分重三銖形製惟肖而面漫薄惡
疑當時所盜鑄者

右公式女錢 隋書食貨志曰梁武帝又別鑄五銖除其肉郭謂之女錢 顧烜曰天監元年鑄公式女錢徑一寸文曰五銖稱兩如新鑄五銖但邊無輪郭未行用又聽民間私鑄以一萬二千易取上庫古錢一萬以此為率普通三年始與新鑄五銖並行用斷民間私鑄 張台曰背有好郭者謂之公式女錢背無好郭者正謂




之女錢蓋聽民私鑄有不精也




右五銖鐵錢 梁書武帝紀曰普通四年冬十二月戊午始鑄鐵錢 隋書食貨志曰梁普通中乃議盡罷銅錢更鑄鐵錢人以鐵錢易得並皆私鑄及太同已後所在鐵錢遂如丘山物價騰貴交易者以車載不計數唯論貫耳 顧烜曰五銖鐵錢徑一寸一分文曰五銖背為四出

文。余按此錢今世有之輪郭重厚字蹟微漫背文四出徑七分重三銖六參




右大吉錢。顧烜曰普通四年鑄大吉鐵錢。太
小輕重如銖。文曰五銖大吉。背文四出。



右大通錢。顧烜曰普通四年鑄大通鐵錢。大

小輕重如五銖。文曰五銖大通。背文四出。



右大富錢。顧烜曰普通四年鑄大富鐵錢。大
小輕重如五銖。大富背文四出。




右當十錢。北史姚僧垣傳曰梁元帝時初鑄
錢一當十。賜僧垣十萬貫。實百萬也。

按此當
下同



右四柱錢 梁書敬帝紀曰太平三年夏四月
巳卯鑄四銖錢一准二十壬辰改一准十丙申
復閉細錢



右五銖錢 陳書文帝紀曰天嘉三年閏二月
甲子改鑄五銖錢 隋書食貨志曰初出□□

鵝眼之十



右大貨六銖錢 陳書宣帝紀曰太建十一年
秋七月辛卯初用大貨六銖錢 隋書食貨志
曰以一當五銖之十與五銖並行後還當一人
皆不便乃相與訛言曰六銖錢有不利縣官之
象未幾而宣帝崩遂廢而行五銖竟至陳云
徐氏曰當時謠言大貨六銖錢又腰哭天子蓋


皆疑
當作

篆書六字類人之又腰耳。余按此錢製作精妙肉皆有周郭徑寸重如其文。



右太和五銖錢。後魏食貨志曰魏初至於太和錢貨無所用也。高祖始詔天下用錢。九年公鑄粗備。文曰太和五銖。詔京師諸鎮皆通行之。在所遣錢工備爐冶民有欲鑄聽就鑄之。銅必精煉無所和雜。余按此錢徑八分重如其

文銅質粗惡字文湮漫計當時令民自鑄故其製不精也。



隔常
隔疑
作疑


右五銖錢。後魏食貨志曰世宗永平三年冬又鑄五銖錢。肅宗初京師及諸州鎮或鑄或否。或有止用古錢不行新鑄致商貨不通貨遷頗。隔尚書令任城主澄上言太和五銖乃太魏之通貨不朽之常模寧可專貨于京邑不行于天

下請並下諸方州鎮其太和及新鑄五銖并古錢內外全好者不限大小悉聽行之雖眼環稍依律而禁詔從之自後所行之錢民多私鑄鑿就小薄價用彌賤



右永安五銖錢 後魏食貨志曰孝莊永安二年秋詔改鑄文曰永安五銖官自立爐起自九

月至三年正月而止官欲貴錢乃出藏絹分遣使人于市賣之絹匹止錢二百而私市者猶三百利之所在盜鑄稱眾巧偽既多輕重非一四方州鎮用各不同楊侃傳曰時所用錢人多私鑄稍就薄小乃至風飄水浮侃奏聽人與官並鑄使人樂為而俗弊得改旨下尚書八座不許後再奏孝莊從之乃鑄舊譜曰徑九分文曰永安五銖重如其文李孝美曰此錢徑八分周郭完厚所見至多



右永安土字錢。面文永安五銖，幕文有一土字，徑九分重。一銖四參銅色，純赤輪闊，皆夷計。後魏所鑄。余按東西魏皆鑄永安五銖，故存于今甚多。其品有三：面文獨曰永安五銖者，幕文土字者，背文四出者。背文四出者，令公百爐錢，見神品。



右五銖錢。北史西魏文帝大統六年二月鑄五銖錢。十二年三月鑄五銖錢。舊譜曰：以赤銅鑄。



右永安五銖錢。隋書食貨志曰：齊神武霸政之初，承魏猶用永安五銖。遷鄴已後，百姓私鑄，體制漸別。遂各以爲名，有雍州、青、赤、梁州、生、厚、緊、錢、吉、錢、河、陽、生、澀、天、柱、赤、牽、之、稱、冀、州、之、北。

遺疑當遣字

錢皆不行交貨者皆以絹布神武帝乃收境內之銅及錢仍依舊文更鑄流之四境後魏食貨志曰孝莊永安二年鑄永安五銖錢遷鄴之後輕濫尤多武定初齊文襄王奏革其弊于是詔遣使人詣諸州鎮收銅及錢悉更改鑄其文仍舊然姦僥之徒越法趨利未幾之間漸復細薄六年文襄王以錢文五銖名須稱實當秤錢一文重五銖者聽入市用錢重一斤四兩自餘皆準此為數其京邑二市天下州鎮郡縣之市

開疑當關字

各置一秤懸于市開私改所近之秤皆準市秤以定輕重凡有私鑄悉不禁斷但五銖然後聽用若入市之錢重不五銖或雖五銖而多雜鉛鉛並不聽用若有輒以小薄雜錢入有人糾獲其錢悉入告者其小薄之錢若即禁斷恐人交乏絕畿內五十日外州百白為限群官參議咸以時穀頗貴請待有年王從之乃止余按齊神武文襄皆相東魏至文宣帝始受禪此錢當繫之東魏董道謂之北齊永安五銖非也



右常平五銖錢 北史齊文宣帝紀曰天保四年春正月己丑鑄新錢文曰常平五銖 隋書食貨志曰文宣受禪除永安之錢改鑄常平五銖重如其文其錢甚貴且製造甚精 舊譜曰徑八分 李孝美曰此錢徑寸舊譜列在偽品



右布泉錢 後周書武帝紀曰保定元年秋七月更鑄錢文曰布泉以一當五與五銖並行建德五年春正月廢 舊譜曰徑寸其文左曰布右曰泉皆玉筋篆非男錢也 男錢見厭勝



右大布錢 後周書武帝紀曰建德三年六月壬子更鑄五行大布錢以一當十與布泉並行四年秋七月己未禁不得出入關布泉聽入而

不出。舊譜曰徑寸一分。張台曰此錢小者。至徑六分其舊錢之文上五下行左大右布又有太布字翻在上下者。



右永通萬國錢。後周書宣帝紀曰大象元年十一月丁巳初鑄永通萬國錢以一當十與五行大布並行。舊譜曰徑寸三分重十二銖背肉肉好皆有周郭又有徑寸二分半重八銖已

下者。張台曰此錢輪郭與布泉相似其小者至徑七分亦有輪郭闊厚及對文者。李孝美曰此錢今世所見亦多又有徑寸五分重十八銖背面皆有此四字者銅色青白製作尤佳。



右白錢。隋書高祖紀曰開皇元年九月行五銖錢食貨志曰高祖受周禪以天下錢貨輕重不等乃更鑄新錢背面肉好皆有周郭文曰五


銖而重如其文每十重四斤二兩錢既新出
百姓或私有鎔鑄二年四月詔四面諸關各付
百錢為樣不同者即壞以為銅入官京師及諸
州邸肆之上亦皆立榜置樣為准不中樣者不
入于市後詔晉王廣漢王諒蜀王秀聽于楊鄂
并益四州各立五爐鑄錢是時錢益濫惡乃令
有司括邸肆見錢非官鑄者皆毀之數年之間
私鑄頗息大業已後王綱弛紊遂多私鑄錢轉
薄惡初每十猶重二斤後漸至一斤武翦鐵

鑠裁皮糊紙以為錢相雜之貨賤物貴以至干
亡唐書食貨志曰隋行五銖白錢舊譜曰
徑一寸重一銖六黍肉郭平闊五字右邊傍好
有一畫餘二面無郭用鏹和鑄故錢色白

泉志卷之二


間行綫環錢其製輕小凡八九萬纔滿半斛武
德四年鑄開元通寶徑八分重二銖四參積十
錢重一兩得輕重大小之中其文以八分篆隸
三體洛并幽益桂等州皆置監賜秦王齊王三
鑪裴寂一鑪以鑄舊唐書食貨志曰開元錢
之文歐陽詢制詞其字含八分及隸體其詞先
上後下次左後右讀之自上及左廻環讀之其
義亦通俗謂之開通元寶錢鄭處會粹曰初
進嶼摸文德皇后指一甲跡故錢上有指甲

李孝美曰此錢元字次畫端或有挑向左好世
謂之左挑而俗甚愛重背文亦有兩甲痕者銅
色黑濁不至精好余按開元錢唐高祖始鑄
其後高宗乾封肅宗乾元以至大曆建中咸通
各因其年以名錢然行之不久惟開元錢唐二
百年治鑄相繼故流行至今甚多詳考此錢郭
有大小肉有輕重皆歲久適然凡八分篆隸三
品而背有甲文者制作精好今世尤多李孝美
獨圖其一失之略矣





右乾封錢 新唐書食貨志曰乾封元年改鑄
乾封泉寶錢徑寸重二銖六分以一當舊錢之
上踰年而舊錢多廢明年以商賈不通米帛踊
貴復行開元通寶錢 舊唐書食貨志曰乾封
元年封岳之後改造新錢文曰乾封泉寶初開
元錢俗謂之開通元寶錢及鑄新錢乃同流俗
乾字直上封字在左尋竊錢文之誤却用舊錢

二年正月詔乾封新鑄之錢令所司貯納更不
流鑄



右乾元十當錢 唐書食貨志曰肅宗乾元元
年經費不給鑄錢使第五琦鑄乾元重寶錢徑
一寸每緡重十斤與開元通寶參用以一當十
亦號乾元十當錢 元載肅宗實錄曰乾元九
年秋七月鑄 舊譜曰徑寸二分重五銖 李


孝美曰此錢今世最多而大小不同自十二分至七分相較一分凡有六品字體形製畧無小異



右重輪錢 唐書食貨志曰第五琦為相復命絳州諸鑪鑄重輪元錢徑一寸二分其文亦曰元重寶背之外郭重輪每緡重十二斤與

開元通寶錢並行以一當五十肅宗以新錢不便上元元年減重輪錢以一當三十開元舊錢與元重寶錢皆以一當十代宗即位元重寶錢以一當二重輪錢以一當三凡三日而大小錢皆以一當一自第五琦更鑄犯法者日數百州縣不能禁止至是人甚便之 唐肅宗實錄曰元二年九月戊辰新鑄太錢其文依元重寶而重其輪以別之一當五十 舊譜曰徑二寸四分重十二銖 李孝美曰此錢有兩


品小者至薄而文字昏暗徑寸重五銖大者極厚而製作精好徑寸五分重十四銖與唐志舊譜所載不同



右小軋元錢 金光襲曰軋元三年新鑄小錢一當一十 余按此錢重三銖三參徑與開元錢同今世所存至多計肅宗所鑄而史民疏略不載金氏之說未知何憑也



右大曆錢 張台曰大曆是代宗年號計此時所鑄 余按此錢徑九分重三銖六參銅色昏濁字畫遒勁史氏不叙鑄作之因切考代宗實錄云大曆四年正月丁酉開內道鑄錢等使第五琦上言請于絳州汾陽銅源兩監增置五爐鑄錢許之豈非當時鑄此耶




右開元大錢 徑寸二分重十二銖六參

按此錢銅質渾厚字文明垣質之史氏無改鑄

大錢之文以意推之唐食貨志云建中初判度

支趙贊採蓮州白銅鑄大錢一當十以權輕重

安知斯錢非當時所鑄耶



右建中錢 唐書食貨志曰建中初戶部侍郎

韓洄以商州紅崖冶銅多請復洛源廢監起十

鑪鑄錢十萬二千緡每千錢費九百德宗從之

江淮多鉛錫錢以銅盪外不盈斤兩帛價益貴

銷千錢為銅六斤鑄器則斤得錢六百故銷鑄

者多而錢益耗判度支趙贊採蓮州白銅鑄大

錢一當千以權輕重 嘗譜曰贊熟計自以為

非乃寢不下 張台曰按此錢未施用今民間

往往有之輕小于開元錢徑十分重二銖以下

垣疑當作垣字

文曰建中通寶文字漫暗銅色純赤肉好薄小殊乖曰銅大錢之義



右新開元錢背文唐書食貨志曰武帝廢浮屠法永平監官李郁彥謂以銅像鐘磬鑪鐸皆歸巡院州縣銅益多矣鹽鐵使以工有常力不

足以加鑄許諸道皆得置錢坊淮南節度使李
紳請天下以州名鑄錢京師為京錢大小徑寸
如開元通寶蘇冕唐會要曰會昌六年二月
勅緣諸道鼓鑄佛像鐘磬等新錢已有次第須
令舊錢流布起今年十月以後公私行用並取
新錢其舊錢權停舊譜曰武宗會昌年鑄時
初廢天下佛寺宰相李德裕奏請以廢寺銅鐘
佛像僧尼瓶碗等所在本道鑄錢揚州節度使
李紳乃于新錢背加昌字以表年號而進之有

右疑當
作在字

勅遂勅鑄錢之所各以本州郡名為背文於
京兆府以京字右穿上洛陽以洛字在穿上揚
州改以揚字在穿上西川以益字在穿上藍田
縣以藍字在穿右襄州以襄字在穿上江陵府
以荆字在穿右越州以越字在穿下宣州以宣
字在穿左江西以洪字在穿上湖南以潭字在
穿左兖州以兖字在穿上浙西以潤字在穿上
鄂州以鄂字在穿上平州以平字在穿上興元
府以興字在穿上梁州以梁字在穿右廣州以

穿考
上
下文當
作字

廣字在穿，右東川以梓字在穿，上福州以福字
在穿上，卍州以卍字在穿上，桂陽監以桂穿在
穿，右李孝美曰：此錢背文復有襄字或在穿
右梁字或在穿上者，但楊字錢終莫之見，疑當
時已行昌字而未嘗改耳。




右咸通錢 舊譜曰：唐咸通十一年桂陽監鑄
錢，官王彤進新鑄錢，文曰咸通玄寶，尋有勅停

廢不行



右天成錢 宋白續通典曰：天成元年十二月
勅中外所使銅錢，內鐵鑼錢即宜毀弃，不得行
使。二年八月禁銷銅錢，四年禁鐵鑼錢。余按
此錢徑九分重三銖六釐，文曰天成元寶，計當
時所鑄，而五代史後唐紀不載。




右天福錢 宋白續通典曰晉天福三年十一月詔三京鄴都諸道州府無問公私應有銅者並許鑄錢仍以天福元寶為文左環讀之委鹽鐵司鑄樣頒下諸道令每一錢重一銖四參十錢重一兩 鄭向五代開皇紀曰天福二年十一月詔許天下私鑄錢復官鑄十一月詔建錢鑪于樂此 余按此錢徑七分重一銖四參銅

質薄小字文昏昧蓋以私鑄不精也



右漢通錢 宋白續通典曰漢乾祐元年四月膳部郎中羅周裔上言請在京置錢監俾銅盡為錢以濟軍用 蘇耆開譚錄漢乾祐中以晉室鼓鑄錢弊偽濫非一乃禁銅貨悉歸公帑 余按此錢徑一寸重二銖六參文曰漢通元寶字文明坦製作頗精蓋懲天福之弊則漢代所鑄

明矣



右周通錢 五代史周紀論曰世宗即位之明年廢天下佛寺三千三百三十六是時國中之錢乃詔毀天下銅佛以鑄錢 四夷附錄曰周世宗遣尚書水部員外郎韓彥卿以帛數千匹市銅于高麗以鑄錢 鄭向五代開皇紀曰顯德二年九月丙寅詔禁天下銅器始議鑄錢

五代會要曰顯德二年九月勅云今採銅興冶立監鑄錢 冀便公私宜行條制今後除朝廷法物軍器官物及鏡并寺觀內鍾磬鈸相輪火珠鈴鐸外其餘銅器一切禁斷 蘇耆開譚錄曰世宗朝鑄周通元寶錢于後殿設巨鑪數十親觀鼓鑄 李孝美曰徑寸重五銖文曰周通元寶形製精妙與唐開元錢同

泉志卷之三

不... 八... 三...

卷之八十四

...

...

...

...

...

...

...

國印

